

Quant li Venissien et chil qui estoient avec aus
virent les batailles, si s'en retournerent vers les
herberges, pour le grant pule qu'il voient; qu'il
savoient bien que, s'il aloient avant, qu'il li
avoient dure. Il estoit ja bien près soir quant
il vinrent as herberges. Dont fisent il savoir
au duc de Venisse et au mareschal de Champaigne
le mes-canche qui lor estoit avenue. Quant il vi-
rent che, si se deslozerent et leverent dusiege qui
miz miz, et sen alerent tout sur nuit à que chité
former qui a à non Rodestoc.

Et vers Constantinoble en ala une partie; mais poi
en y ala, car tout li plus de l'est s'ala à Rodestoc.

Quant il virent toute nuit erre che vint au jour, il garderent
si virent grant gent de loins as cheval. Il considerent que che
fussent li Blac. Si comencherent à fuir vers Rodestoc.

Chil que il avoient ven, ch'estoit li os Bauduin de Biauvor, et Pierron
de Braienchel, et Païen d'Orliens qui venoient secourre l'en-
pereur devant Andrenople. Pierres de Braienchel les coisi pre-
mierement; et moult se merveilla quel gent ch'estoient qui si fui-
oient. Il esgarda vers aus. Si count et ravisa une partie des
banieres. Et bien lor fu avis que ce estoit de lor gent qui si
fuoient, « Vends, dist il, tout belement, et je irai à aus; si
sazai que che est », Il pointa à aus et si les ataint. Quant il le
virent veniz sent, si l'atendirent; et quant il vint à aus, si le
reconut et il reconurent lui. Et il lor demanda des nouvelles; et il
lor disent.

Quant Pierres de Braienchel oï les nouvelles, si demena moult grant
duel. Et puis si manda ses compagnons, et il y vinrent. Quant il
furent venu, si alerent à Rodestoc. Là atendirent et sejournerent
se Dame dix lor envoieoit aucun conseil d'aucune gent ch'aïere.

Croisade de Constau-
tinople d'après le
Ms. de la
Bibliothèque Royale,
fonds Cangé 9.
no. 7188⁵

fo. 61.

J. A. Buchon:
Nouv. Recherches
Historiques sur la
Principauté
Française de
Moree
(I^{re} Epoque)

T. I.
Paris 1845
2.495-497.

Quant li Blac orent ochis l'empereur, si sorent bien que Henris ses freres ot passé le Bras-Saint-George et qu'il aloit à Andrenople. Li Blac alerent à l'encontre de lui, pour lui schirre s'il les peussent ataindre. Mais Dix ne le vult mie souffrir; ains lor envia un poissant home du pais, pour dire les nouvelles de le mort l'empereur et le conte Loys, et des chevaliers qui mort estoient, qui furent avec aus, et du siege qui estoit levés d'Andrenople et estoit alés à Rodestoc, et que li Blac venoient encontre lui, et que, s'il ne se hastoit d'aler à Rodestoc et par jour et par nuit, as latins qui la estoient fui, il seroit ochis, et tout chil qui avec lui estoient.

Quant Henris d'Anjou oï les noveles de le mort l'empereur souffrere et de ses compaignons, si fu moult dolans et moult courrouchiés. Et manda ses compaignons qu'il venissent avant, et il y vinrent. Et dist qu'il avoit grant paour de se mort et de chex qui avec lui estoient.

Si ne sot que faire, car il avoit bien avé de Turquie trente mille maisnies d'Ermins, et lor femmes et lor enfans et lor harnas, pour faire manoir en Constantinoble; et si lor avoit juré qu'il, pour riens qu'il li avenist, il ne lor fauroit d'essi adont qu'il les avoit mis en Constantinoble. Si ne savoit que faire; car, s'il les laissoit ainsi come li paisans li avoit dit, il y avoit grant pechié et iroit contre son sairement. Dont prist conseil as chevaliers de l'ost qu'il feroit. Li chevalier li conseillerent: qu'il venoit mix qu'il laissast son manoir en aventure, et s'en alast à Rodestoc a lor gens, et se zaliaissent là, qu'il demourassent pour aus ochire; que seust il bien que, selonc ce que li paisans lor avoit fait à entendre, que ja piés n'en escaperoit; si venoit mix que li Hermin fussent mort qu'il fust mort; car, seust il bien, s'il estoit mort, que en Constantinoble ne en Rodestoc n'avoit pié que ne fussent mis à l'espe. Il fu bien avis à Henri d'Anjou que si chevalier li donnoient boin conseil.

Dont apela le paisant. Se li demanda s'il les saroit mener à Rodestoc. Et il dist oïl bien, mais pour Dieu exploitaissent d'aler. Henris d'Anjou et si chevalier exploiterent d'aler, et li

paisans avec aus.

Et terrerent deus jours et deus nuis, que onques ne mangerent. Et moult perdirent de lor chevaux qui recreandirent, si que moult enconvint aler à pied à Rodesoc. Et trouverent lors compaignons qui escape estoient. Quant il furent ensaule et il se furent entreu, se fissent moult grant joie et moult grant feste de che que Dix les avoit là amassés, selonc le mes-canche qui avenue lor estoit, et grant duel demenerent de chiaus qui ochis estoient.

Li Blac atainsent les Ermins que Henris avoit laissiés. Si les o-chisent, et aus et lor maisnies, fors aucun qu'il en escapa, qui alerent en Constantinoble.

Quant le nouvelevint en Constantinoble de le mort l'empereur et du conte Loeyz et des autres chevaliers, qui ne savoient nules nouvelles de chiaus qui estoient levés au siège d'Andrenople, si furent moult dolant et moult courrouchiez et moult esmari, et si ne firent mie de merveille. Queues de Betune, qui estoit demourés en Constantinoble, et uns cardinaus aveuc, quant il oïrent les nouvelles, et tous les Latins de Constantinoble, les firent assauler pour prendre conseil qu'il feroient et pour comander que chascuns fust garnis de lui defendre, s'il veoit que tans et liex en fust.

Car, à cascun Latin qu'il estoient en Constantinoble, estoient il bien cent Grifon; et si avoient le cri de letere.

Là prirent conseil qu'il armeroient un vaissel, et l'envoieroient à Rodesoc, et feroient chercher le marine, savoir s'il orroient nule nouvelle de Henri d'Angau et de chiaus qui estoient parti d'Andrenople.

Pour che y envoierent il parner, que par tere n'i pooient il envoyer.

Il armerent un vaissel et se li envoierent. Et bien demourerent plus de huit jours puis qu'il les orent trouvés à Rodesoc; n'ongques ch'il de Rodesoc ne le fissent savoir, dusques que li vaissiaux retourna arrière.

Bien sejournerent li Latin à Rodesoc, puis qu'il s'assaulerent, soissant cinq jours c'ongques ne s'osèrent departir.

(Anodoti)

Et quant il s'orent que li Blac s'estoient trait arriere, si s'en alerent en
Constantinoble.

Et envoierent le vaissel avant, qui estoit venus pour oir nouvelles d'
aus; et firent savoir en Constantinoble qu'il venoient.



AKAΔHMIA

AOHNAN